

GRATIA JESU PATROCINANTE,

ET

Consentiente Ampliss. Facult. Philos. in Regio
ad Auram Academia,

DISSERTATIONIS,

EXISTENTIAM DEI

EX

GENERATIONE ANIMALIUM

E VOLVENTIS,

PARTEM PRIOREM

Benigne Eruditorum censure submittunt

GABRIEL
WELONIUS,

PHILOSOPHIA MAGISTER,

ET

LAURENTIUS LEIMAN

AUSTRO - FENNO,

DIE XXV. JUNII ANNI MDCCLIX.

IN AUDIT. SUPERIORI HORIS ANTEM. CONSVER.

ABOÆ, Impressit Direct. & Typogr. Reg. Magn. Duc.
Finland. JACOB MERCKELL.

S:æ R:æ M:tis
MAXIMÆ FIDEI VIRO,
Reverendissimo PRÆSULI ac DOMINO,
**D_N. CAROLO
FRIDERICO
MENNANDER,**
S. S. Theologiæ DOCTORI CONSUM-
MATISSIMO,
Diœceseos Aboënsis EPISCOPO EMINEN-
TISSIMO,
Regiæ ibidem Academiæ PRO-CANCELLARIO
MAGNIFICENTISSIMO,
Venerandi Consistorii ecclesiastici PRÆSIDI
GRAVISSIMO,
Scholarum per Diœcesin EPHORO
ADCURATISSIMO.
Regiæ Acad. Scient. Holm. MEMBRO Maxime
INCLYTO,
MÆCENATI SUMMO.

Quemadmodum sol, inter incolas regionis si-
dereæ eminens, non tantum loca eminentia
splendore visitat suo, sed etiam depressoſ at-
que humiles valles illuminat, viue sua plane jucun-
da, Vivificat; ita & Nomen Tuum, Reverendissime
PRÆSUL, eminentissimum, quod, adinstar ſolis
ſplendidiffimi, cœlum noſtrum litterarium colluſtrat,
non ſolum magnos atque excellentes animos, verum
etiam depressoſ, & qui alioquin macie rerum adver-
ſarum extabefcerent, favoris fovere lumine, eosdem-
que quibusvis beneficiis erigere haud gravatur. Ne
itaque succenſeas, Reverendissime **PRÆSUL**,
quod ego, homuncionum minimus, beneficiis Tuis,
quaे immortali veneror pietate, allectus, pagellas
has, aliena Minerva elucubratas, **TIBI** devoutiſſima
offerre fufinuerim veneratione, ſed ferena eadem
adſpicias fronte, ceu tefferam devotionis & reveren-
tiæ erga TE, uti profundæ, ita & nunquam inter-
morituræ, certiſſimam, humillimus obteſtor oroque.
De cetero **DEUM** ter O. M. rerum omnium
Moderatorem omnisque felicitatis Statorem sapien-
tissimum, ardentiſſimis compellare precibus nunquam
deſiſtam, velit **TIBI**, Reverendissime **PRÆSUL**,
constantiſſimam & perennem largiri felicitatem, in ſui
gloriam, ecclesiæ, reipublicæ noſtræ litterariæ & Fami-
liæ Tuæ Nobiliſſimæ emolumentum atque Patrocinium
exoptatiſſimum. Ita vovo vovoque dum vixero

REVERENDISSIMI NOMINIS TUI

cliens devotissimus
LAURENTIUS LEIMAN.

VIRO Amplissimo atque longe Celeberrimo,
D_{N.} M^{AG.} HENRICO
HASSEL,

Eloquentiæ in Regia Academia, quæ Aboæ Floret,
PROFESSORI Regio & Ordinario.

VIRO Amplissimo atque Celeberrimo,
D_{N.} M^{AG.} MARTINO JO-
HANNI WALLENIO,
PROFESSORI Mathematum, ad Regiam Academiam
Aboensem, Regio & Ordinario.

MÆCENATIBUS

Tanta favoris VESTRI erga me maximi mihi
vix quidem iisdem enumerandis, nedum a-
vires meæ, plane langvidæ, sint pares. Ignoscatis itaque
tissimus obtestor, quod ego, in tanto virium mea-
erigere statuam, in qua, quantumvis insufficientissi-

VIRO Summe Reverendo atque Amplissimo,

**DN. J A C O B O
G A D O L I N,**

S. S. Theol. DOCTORI, & Scient. Natur. PROFESSORI Regio & Ordinario, Reg. Acad. Scient. MEMBRO Dignissimo, Utriusque Consist. ADSESORI Gravissimo, Eccles. Aboëns. Fenn. PASTORE longe meritissimo, Facultatis Phil. h. t. Decano.

VIRO Maxime Reverendo atque Celeberrimo,

**DN. MAG. J A C O B O
H A A R T M A N,**

Philos. & Hist. Litt. PROFESSORI Regio & Extraordinario.

MAXIMIS.

semper ob oculos versantur documenta, ut vix & ne gnoscendis devotissimaque mentis pietate venerandis, mihi benignissime, MÆCENATES Maximi, devorum defectu, vel aliquam saltem non possim non me, veneratio mentis meæ devotissimæ, erga VOS,

immor-

immortalis, delineata nunquam non maneat. Con-
donetis quoque arrogantiæ, quod hoc officio mihi
injuncto, pro modulo virium, & qualitercumque, per
lineolas hasce, aliena manu elaboratas, magnis &
æternis laudibus celebrandis Vestris Nominibus, pio
devotissimoque animo, consecrandas, fungi sustine-
am. Quod, fretus favore Vestro, certo certius eve-
nire confido. De certero nihil prius nihilque anti-
quius mihi erit, quam Supremum Numen calidissi-
mis defatigare suspiriis, velit VOS, MÆCENATES
Maximi, in emolumentum Patriæ, rei litterariæ ec-
clesiæque Christi certissimum, Familiarum Vestra-
rum Nobilissimarum solatum dulcissimum, atque
clientum Vestrorum, quorum in numero me vel
minimum esse finitote, Patrocinium Maximum, ad
Nestoreos usque annos, incolumes quavisque felicita-
te cumalatissimos conservare ! Sic vovens ad cineres
usque permanebo.

CELEBERRIMORUM NOMINUM
VESTRORUM.

ZIMIXAM

cultor devotissimus
LAURENTIUS LEIMAN.

I. N. 3.

Quemadmodum nulla fere veritas, quantumvis in se luculentissima & luce meridiana clarius datur, quæ non infinitis hominum, affectibus præjudiciisque suis vesanis plus justo indulgentium, insidiis atque persecutionibus mirum in modum vexata est: ita nec quicquam hæreditarius ille totius humani generis hostis, omni bona spe in æternum jam dejurata, sibi antiquius & prius dueit, quam ut veritatem existentia Divinæ labefactare possit; quippe qui non solum in antiquis & præterlapsis mundi seculis phalangem suam infernalem, ad arma tenebrarum & crabronibus barathri tantum digna conclamavit; verum etiam in modernis temporibus hos tabeficos & ob fascinationem virulentissimam plane mortiferos suos andabatas majori cum copia ad veritatem hanc defæctissimam & clathris, uti Divinis, ita & invincibilibus munitissimam non concurriendam solum, sed etiam, si possibile foret, ex toto rerum ambitu penitus re-

A

legandam

legandam excitat, excitatos armat & armatos in aciem producit. Nam veteratorem hunc vaferrium non fugit, existentia Divina semel e medio sublata, omnes reliquas, quibus vera felicitas, ceu basib[us] plane immobilibus, superstruenda est, veritates ultro quasi evanescere. Hæc gratis dicta nemo facile dixerit, modo primis, ut dici solet, labris historiam degustaverit litterariam & præsentem multorum cognoverit statum. Præsentem inquam statum; nam licet, uti modo diximus, in antiquissimis jam temporibus, quibus scientiæ humaniores plusquam Cimmeriis tenebris involutæ Arcadicam mortalium deplorabant stupiditatem, & gentilismus, ceu abortus diaboli hirsutissimus, miseriam augebat mortalium, non defuerint, qui, non solum indirecte & doctrinæ absurditate, sed etiam directe & aperte docendo, existentiæ sanctissimi Numinis periculosissimas struere insidias non verebantur; nostris tamen temporibus horum farrago, proh dolor! mirum quantum accrebit, ita ut non tantum majori cum copia, verum etiam politiori argumentorum fulgore, h. e. astutia & vesano philosophiæ abusu, veritatem hanc adgradiantur. Tanta enim hujus ævi est impudentia, vel rectius vesania, ut perplurimi se jam Zonam lacteam transisse, & divisum a Divino nutu imperium, nescio quo mechanico atomorum concursu, seu casu fortuito fabricatum obtinuisse miserrime una cum Epicuræis, quos in turpissima eademque tristissima sua canitie, mundo senescente, revirescere dolemus, arbitrantur. Furfuris hujus stygiæ nostra ætate haud immerito princeps

princeps censetur De la Mettrie, qui in libro suo,
 qui L' homme Machine inscribitur, pag. 61. citante
 Cel. Wall. in Prænot. Theol. Part. 3:ta, §. 130, non so-
 lum incertum existimat, annon ratio existentiæ ho-
 minis sit in ipsa ejus existentia, sed etiam pag. 63.
 totum hoc universum casu quodam in scenam actu-
 alium prodiisse, immo tandem pag. ejusdem libri. 68
 & 69, diabolicis suis principiis, quasi phialtro socor-
 diæ, fascinatus, omnem giganteam suam exhausit
 impudentiam, mundumque, si totus esset Atheus, fe-
 licissimum exalta clamat voce. En horrenda men-
 tis vesanæ lenocinia, quæ talpas quoque ingemescere
 faciunt! Horrenda sunt hæc & quidem ita, ut ve-
 saniora dari vix & ne vix quidem queant, sed non
 tamen sola; alii enim Deum existere nudis tantum
 concedunt verbis, una cum infelicissimo illo Athei-
 stici sodalitii Archiduce Spinoza; talem vero ejus si-
 bi fingunt notionem, quæ ne lemuribus quidem con-
 venit, nedum Numini perfectissimo, cuius existen-
 tiæ simplicissimæ e diametro repugnat, eandemque
 penitus destruit; ita, ut stentorea hac sua voce vix & ne
 vix quidem, ut volunt, meliorem sibi inurere queant
 notam, quam illi, qui existentiam Divini Numinis ple-
 nis negant verbis. Nam quid potest absurdius, ve-
 sanius & magis impium excogitari, quam per modi-
 ficationem essentiæ Divinæ absolute immutabilis, u-
 niversum hoc productum adserere. Tota cerre co-
 horrescit mens, ubi vel audiantur tantum portentosa
 & furiis tartareis Atrociora hæc molimina, quibus
 hi homunciones, in Tantalea sua miseria constituti,

naturam Divinam plene incomprehensibilem furioso quodam captare conantur impetu. At quanta quanta hæc sunt molimina, nunquam tamen defuere, nec adhuc desunt viri tam doctrina, quam morum probitate maxime conspicui, qui a sanctissimi Numinis amore excitati, horum versipellium fœtus monstruosissimos, & se ipsos in ruinam propriam ingurgitantes, fortiter suffocaverunt, & adhuc, ne capita sua, compedibus stygialibus semel involuta, expediant sorptumque virus ad mundum inficiendum revomanè, laqueis constringunt inenodabilibus. Horum vestigia premere, langvente licet animo, sincero tamen, quum in præsenti nobis propostuerimus, certo certius speramus fore, ut pagellis hisce, Cand. Lector, eo mitiore addas limam, quo notius est nos, ut gloriae Divinæ illustrandæ sine ulla intermissione licemus, in æternum obstrictos manere. Lubentissimi confitemur Te in his nihil novi invenire; tanta enim nostra est jejunitas, ut, in collustratis hisce temporibus, nihil nostri adferre valeamus: Aliis itaque hunc referas honorem, & scias, tantum abesse, ut nos hisce nemini, cui majores datae sunt vires officio sibi injuncto satisfaciendi, in vastissimo hoc rerum oceano, occasionem decantandi Gloriam DEi, præripere velimus, ut potius medullitus & ex sinceri limo voveamus corde, velit Summus DEus Gloriarum suarum defensor Acerrimus, magnam eorum excitare multitudinem, qui, lynceis oculis, rerum harum contingentium perlustraturi naturam, & exinde, ceu ex pharetra plane inexhausta, fortissima, ad phalan-

gem

gem atheisticam prosternendam, arma deponituri
sunt! Sed dicis: Quid Gloriæ DEo ex hiulca hac
verborum cohærentia? Confitemur hanc esse plane
exiguam, nostris tamen viribus parem. Satius est pro
modulo virium stationem agere suam, quam eandem
penitus deferere.

§. I.

QUAM nos impræsentiarum animo constituerimus
Divinam adstruere existentiam, vel in atrio
dissertatiunculae nostræ observasse non pigebit, nos
duplici præsertim ratione de existentia Numinis nos-
met convincere posse, conf. Rom. 2. v. 14. Cap. 1.
v. 19. 20, & Prænot. Theol. Celeb. Wall. Part. I.
§. 25, primo per notitiam DEi insitam, de qua non
una eademque omnium est sententia; nam alii noti-
tiā hanc adinstar actus cuiusdam homini inesse ar-
bitrantur; Alii adinstar specierum impressarum; Alii,
qui indolem hujus notitiae penitus ritnari adnitun-
tur, eandem pro perfectione quadam habitui analo-
ga habent; Alii denique hanc nonnisi adinstar po-
tentiae propinquæ homini inesse adserunt, Vid.
Walch. Lex. Phil. in vocab. Gott. Has duas poste-
riores sententias, quibus recentiores tam Philoso-
phos, quam Theologos maximam ad partem adsti-
pulatos videmus, facilime inter se conciliari posse
nullamque veram inter eas esse differentiam demon-
stravit incomparabilis Wallerius noster lib. cit. §. 35.
qui quoque §. 25. hanc, de qua loquimur, per no-

titiam de DEo naturalem, quam sine expresso ratiocinio seu discursu habemus, definitivit. Dari ejus modi notitiam DEi insitam nemo, modo animum præjudiciorum vacuum ad naturam animæ humanæ adverterit, facile negabit. Nam per sensationem sui ceu ideam innatam primo-primam, quæ ipso actu semper animæ inest, non potest non anima nostra colligere ad actualitatem existentiæ suæ, quam contingentem esse, atque sic rationem existentiæ suæ non in se ipsa habere posse, facillime & sine expresso discursu videt. Unde ad evolvendam existentiam entis perfectissimi aperta patet via; quæ quantum a Cartesiana idea DEi innata differat, res loquitur ipsa. Conf. §. 128. lib. cit. & Walchii Lex. loc. cit. Ast licet nemo, rem accurata judicii trutina ponderans, notitiam hanc inficias eat; tantam tamen fascinationem Atheorum oppressisse animos dolemus, ut ejus scintillulas penitus extingvere omnibus allaborent viribus, &, quasi facta societate cum spiritu Stygio, ex toto semet in horrendam & nunquam satis deplorandam mentis occæcationem detrudant. Præn. Theol. §. 36. ejusd. part. Aliam itaque notitiam ad hos convincendos esse necessariam, quivis, vel nobis non monentibus, satis superque videt; hæc est secunda illa publica ad existentiam DEi agnoscendam via, quæ notitia DEi naturalis acquisita appellari s̄vevit, & qua notitiam per expressa ratiocinia seu discursum comparatam intelligimus: Vid. Prænot. Theol. Waller. P. I. §. 25. Ex data definitione patet notitiam hanc in duas abire classes, argumentorum

rum solidissimorum copia & fulgore maxime conspicuas,
 quorum prior demonstratio ex priori, posterior vero
 a posteriori vocatur. Ex duobus hisce fontibus tria illa
 notissima principia, nimirum metaphysica, physica &
 historica, quibus nonnulli etiam moralia adnumeranda
 censem, ad demonstrandam existentiæ Divinæ non so-
 lum possibiliterem, verum etiam actualitatem, deducun-
 tur. Vid. præter alios Walchii Lex. phil. I. cit. Cantzii
Civ. DEi. §. 103. lit. b. Historica principia, licet ad ar-
 guendam sanctissimam hanc existentiam haud parum
 conferant, metaphysica tamen & physica in eadem sta-
 bilienda, jure meritoq; pro validissimis habentur. Sed
 utrum metaphysica argumenta præ physicis, aut an
 hæc præ illis primatum sibi vindicare queant, aliis
 extricandum relinquimus; quum nec vires nostræ
 problemati huic intricatissimo excutiendo sufficiant,
 nec decisionem ejus adeo necessariam existimemus,
 ut omissione ejusdem veritati indagandæ poscit esse
 noxia; quia res, apud omnes, quibus sanum est fini-
 ciput, extra omnem controversiam est posita, argu-
 menta metaphysica & physica conjunctim sumpta
 invictissimi esse roboris. Conf. Dissert. Præcl. Dni,
 Mag. Doc. Christ Cavander Partem prior de Indole
 Relig. Nat. p. 34. Interim nec dissimulamus nos
 illis adhærere, qui physicis majorem adserunt efficaciam
 stringendi animos, Wid. Dis. Joh Laih. Præ-
 fid. Cel. Prof. Henr. Hassel. de Insufficientia De-
 monstrationis existentiæ DEi a priori. Wolffio vero.
 Cantzio & reliquis, qui contrariam senten-
 tiā, copiam judicij facimus sui. Sed hæc in transitu.

Hicce præstructis proprius ad propositum pergi-
 mus nostrum, h. e. ad evolvendam existentiam
 Divinam ex physicis principiis nosmet accingimus.
 Tantam enim nos in his deprehendimus vim ar-
 guendi atque convincendi animos nostros, ut tota
 mens penitus obtundatur verbaque stupeant palato,
 quando vel tantillum consideramus carcinomata, qui-
 bus Cebeream Atheorum colluviem adeo infectam
 deploramus, ut quasi scaphisno furiarum intrusi, la-
 tratu suo trifaci totum jam personent mundum, e-
 undemque tanto occæsionis adgrediantur furore,
 ut pygmæi hi miserrimi sanæ rationi, frustraneo li-
 ceti ausu, bellum indicere infestissimum non erube-
 scant. Frustraneo inquam ausu; nam tanta argumen-
 torum ex rerum natura ad veritatem, de qua loqui-
 mur, stabiendum depromtorum est vivacitas, ut sim-
 plicissimi quoque, convicti de existentia DEi, non
 possint non sardinio risu horum deplorare infelici-
 tatem, argumentaque, quibus hi lingulacæ, pessimo
 rheumate laborantes, in veritatem hanc oppugnan-
 dam insurgunt, ceu nebulas evanescentes, dispellere.
 Nam quot sunt res, sunt autem infinitæ, quæ arti-
 ficiosissimum mundi hujus absolvunt systema; tot
 quoque sunt specimina, quæ perfectissimam Nu-
 minis existentiam vividissime delineant. Sed quum
 abyssus hæc rerum limitatam mentis humanæ sagi-
 citatem ex toto obtundat, rebus nostris melius non
 consulere possumus, quam ut, adfigendo attentio-
 nem nostram certæ cuidam rei rimandæ, tot evol-
 vamus

vamus testimonia, quot rei adstruendæ sufficient. Hanc itaque ob rem nos impræsentiarum, Divino sub auspicio, in quantum vites nostræ qualescumque valent, generationem animalium leviter tantum perstringere, & exinde testimonia existentiæ Divini Numinis certissima in scenam producere conamur.

§. III.

UT omnes reliquæ res creatæ, ita & animalia, quoad ipsorum naturam, ortum, corporis fabricam aliasque affectiones, ejus sunt indolis, ut nunquam & nusquam Divinitatem sibi adserere queant; sed potius eandem Enti cuidam ab ipsis diversissimo competere luculentissime & quasi digito demonstrent ærto, modo ad ea oculi sani & lippitudine Atheistica non infecti convertantur. Hoc, ut reliqua, quæ in ipsis attentionem merentur nostram, merentur autem omnia, maxima, minima in illis nobis obvia, taceamus, ipsa horum generatio evidenterissime inclinat; quippe quæ testimonium dependentiæ animalium a caussis suis exhibeat infallibile; & in serie caussarum tandem subsistendum esse in caussa prima, quæ extra propriam essentiam nullam aliam actualitatis suæ agnoscit rationem, vel etiam ille, qui talpa cæcior est, nisi affectata vesania, absurdissimum illum rationum progressum in infinitum menti suæ intrudere voluerit, videbit; ita, ut quivis si non lubens, certe invitus DEum tandem agnoscere cogatur. Ut vero theses hujus veritatem lu-

culentius ob oculos ponamus, instituti jam requirit
 ratio. Figmenta veterum gentilium de generatione
 animalium, ceu ad modum ridicula & ejusmodi,
 quæ fabulosis titillationibus magis curiositatem de-
 mulcent, quam veritati inquirendæ satisfaciunt, quum
 nec temporis, nec cartulæ hujus angustiæ iisdem re-
 censendis sufficient, & in altera dissertatiuncula hujus
 parte, quando, bono cum DEo, de generatione
 hominis sermo instituendus erit, nonnulla ad propo-
 situm nostrum facientia ex his allatur simus, silen-
 tio præterimus; duobus tantum modo attingimus
 verbis, eruditos in generatione animalium explican-
 da rimandaque in duo potissimum sententiarum abire
 divertia. Alii enim omnium animalium, etiam in-
 sectorum, ortum per generationem univocam, hoc est,
 ex semine deducendum non solum arbitrantur, sed
 etiam firmissimis adstruunt rationibus; Alii vicissim,
 qui omnia, quæ in stupendo hoc in æternum devo-
 tissima mentis pietate Venerandi Numinis Artificio,
 singulis curtam rationis suæ vacillantis decempedam
 agnoscerebant, impervestigabilia & admiranda obve-
 niunt, per generationem æquivocam seu putrefactio-
 nem, totum hoc naturæ mysterium absolvi posse,
 hirsute & quasi semisomnes, garriunt. Generationem
 univocam, licet jam haud pauci veterum pro genu-
 ina habuerint, quum tamen tantis fabularum tene-
 bris involuta fuerit, ut vix eandem ex iis quis e-
 volvere valeat; Harvæus primus defendere adgressus
 est; hic enim una cum affeclis suis demonstrare ad-
 nititur; in cicatricula seu ovario non totum tantum
 per-

perfectumque fœtum quoad omnia membra delite-
 scere, verum etiam totam, quanta quanta sit, poste-
 ritatem, certo quodam modo, quoad ipsum rudi-
 mentum, jam ita existere, ut nihil magis requira-
 tur, quam ut genitura maris primum spiritum adde-
 ret, primum motum vitamque excitaret. Verba
 sunt Wahlb. In spons. Plantar. §. 13. Conf. Buddei
 Elem. Phil. Theor. p. 12. Krüger. Natur = Lehre Pars
 2: da, §. 466. Wall. Psyc. Rat. §. 228. & 229. Alii recen-
 tiorum allatam hanc sententiam rejiciunt & nulla se-
 mina sexui sequiori competere dicunt, sed cicatriculam
 ovi vacuam esse, marisque genituram stupenda vermi-
 culorum seminalium scatere copia variis experimentis
 stabilire conantur, Vid. cit. Spons. Plant. §. cit. Walch.
 Lex. Phil. voc. Saamen. & Krüger. Natur = Lehre P. cit.
 §. 467. Primus spectaculi hujus curiosissimi inventor
 habetur Leuvenhœckius, qui microscopiis suis thea-
 trum hoc seminale perlustravit, & in guttula quædam se-
 minis, quæ vix arenulam magnitudine sua æquavit, my-
 riades horum animalculorum observavit. Vid. libros
 cit. Sed utrum primus fuerit Leuvenhœckius non-
 nulli dubitant; Gallus quidam hunc honorem Domi-
 no Hartsecker retulit, quemadmodum Werhenius in
 Suppl. An. Fr. I. c. 15. memoriæ prodit. Philo-
 phi hujus ævi, in quantum nobis constat, maximam
 ad partem ad castra Leuvenhœckiana defendenda se-
 se contulerunt, vermiculosque hos seminales multis
 sudorum seu observationum libaminibus rimari mi-
 rum quantum allaboraverunt. Vermiculos in semi-
 ne hominis & quadrupedum, figuræ oblongæ, cum

cauda quadam longiuscula, ranunculis pedum exper-
 tibus, nec non pisciculis adsimilantis esse deprehen-
 derint; haud raro etiam animalcula, semini qua-
 drupedum imitantia, sine capite observarunt, in se-
 minibus vero avium figuram vermiculorum repræ-
 sentare dicunt. Præterea, ut reliqua, quæ hi naturæ
 scrutatores maxime strenui, in hac generationis the-
 oria, se animadvertisse scribunt, brevitati litantes
 silentio transeamus, animalcula hæc celerrime se cir-
 cumquaque movere, præsertim illa, quæ in semine
 animatis cuiusdam vegeti vifa sunt, & in laguncula
 quadam vitrea, quam Hartstecker apud se gerebat,
 per quatvor dies vitam retinuisse narrant; sed in tem-
 pore hyemali, frigoris haud parum vexantis vim
 sex tantum horolas sustinebant, & igni adhibita statim
 vitam amitterebant suam. Vid. Walchii Lex. Phil. loc.
 modo cit. Ubi idem Auctor Wolffium idem obser-
 vasse refert, cuius verba, quæ hoc loco proferan-
 tur, digna nobis videntur, quippe quæ totum hoc
 generationis Leuvenhoeckianæ theatrum satis stiper-
 que delineant: Ich stellte es an das kleine Muschen-
 brokische Vergroßerungs-glas, bis ich den Saamen
 deutlich sahe. Nun erblickte ich zwar darinnen solche
 Thierlein / dergleichen vorhin beschrieben worden; allein
 weit der Saamen bald eintrocknete / so starben auch die
 Thierlein / und könnte man sie nicht anders als todt se-
 hen. Derowegen nahm ich ein sehr subtiles Haar-
 röhrlein / und steckte es in das tropfstein Saamen / wel-
 ches ich hatte / so zog sich etwas davon hinein / & pau-
 cis interjectis, quæ ad observationem instituendam
 perti-

pertinent. So wenig man davon übersehen kan / so zeigete sich doch eine große anzahl derselben Thierlein / die sich sehr schnelle hin und wieder bewegeten. Ein es bewegte sich schräge durch die röhre herauf; das andere wieder ihm entgegen. Einige kehrten auch auf ihren weg um und giengen zu rücke. Ihre bewegung lässt sehr seltsam: Indem sie den leib beständig herüber und hinüber bewegen / wenn sie fortgehen / nicht anders als wenn sie mit dem hintern theil ruderten. Sie bezeigeten sich sonderlich mutzig / wenn die Sonne auf das röhrlein schien / und unterweilen sahe man daß ihnen unten am bauche etwas von dicken Saamen ankleben / so sie mit sich fortschlepeten. Ich habe wohl fleißig darauf achtung gegeben / ob ich nicht von ihren gliedmassen etwas deutlich erkennen möchte; allein es ist in diesem stücke meine bemühung vergebens gewesen. *Elegantissima sunt hæc experimenta, quæ hi viri sagacissimi instituerunt, sed tantum abest ut mysterium generationis exhaustant, ut potius ipse modus, quo hæc fit, adhuc in incomprehensibilibus sapientiæ non minus, quam omnipotentiæ DEi latbris obscuris jaceat, & ne in æternum maneat absconditus, haud sine caussa verear.* Sunt præterea varia haud contempnenda incommoda, quibus hic generandi modus obnoxius est, & quæ, ne temere allatis experimentis plus justo adhæreamus & nubem pro Junone amplectamur, non obscure persuadent, ut ex illis, quæ in altera parte demonstraturi sumus, patebit. Ast quemadmodum ex una parte verum est omnia animalia, maxima, minima, quibus insecta,

cujusdemumcunque generis accensenda sunt, per generationem univocam propagari, h. e. ex ovibus seu seminibus generari; ita ex altera parte Absurdissimi sunt, qui ortum horum generationi adserunt æquivocæ, qua in præsenti nihil aliud intellectum volumus, quam productionem animalium fortuitam & per putrefactionem, seu motum in confusa particularum commixtione ortum. Vid. Spons. Plant. l. c. Hanc, quam Derhamus in Theol. sua Natur. b. 4, c. 15. ex Ægyptiis, in quorum terra post descensum fluvii Nili, horrenda murium multitudo progigni narratur, natales petere suos arbitratur, præter Digbæum ex recentioribus sibi defendendam suscepit Cartesius, qui, nescio quibus præconceptis opinionibus fascinatus, totum hoc universum per motum mechanicum, quem in cerebello suo materiæ affinxit, in theatrum existentiaæ produci posse, non absurdum existimat. Sed licet omnes sani, qui præjudicia sibi exuebant, Cartesianum hunc generandi modum uti periculosissimum & plane absonum magna argumentorum invictissimorum copia demonstraverint; non tamen defuerunt, nec adhuc desunt, qui, Cartesium suum ceu miraculum Divinum adorantes, hanc salamandram insulsi:lam & ad existentiaæ Divinæ scintillas in mentibus hominum extingvendas haud ineptam in vivis conservare studuerunt, & adhuc summopere student. Alii generationis hujus adsertores sunt subtiliores; Alii crassiores. Illi arbitrantur Creatorem, in prima rerum creatione, tot in gremio terræ posuisse seu condidisse semina, quot ad inhabitandam tellurem nostram

nostram usque ad ipsius interitum forent necessaria,
 adeo, ut jam nihil aliud ad propaganda varia anima-
 lium genera requireretur, quam ut semina ex gre-
 mio terræ profilientia calore vivificantur. Hi nulla
 admittunt semina seu ova, sed tantam vim motui,
 quem calor in particulis materiae excitaturus est, ad-
 signant, ut tot & plane innumeratas myriadas anima-
 lium, quæ ut vario ita mirifico ornatu ex fasciis pos-
 sibilitatis in actualium prorepere numerum videmus,
 confidere valeat: Vid. Wahlb. Spons. Plant. §. V. &
 Lex. Phil. voc. Mensch. Psyc. Rat. §. 229. Utrosque
 hosce generandi modos esse absurdos penitior depre-
 hendit consideratio, quamvis prior illorum ceu subtin-
 lior ad existentiam infiniti Numinis labefactandam tan-
 ta cum efficacia influere non videatur, quam poste-
 rior; ne tamen anguis lateat in herba, vereor, h. e.
 ne concesso, (quod nisi ea, quæ sapientiae iustitiae-
 que Divinæ, nec non experientiae ubique terrarum
 obviæ repugnant, statuere velimus, concedere non
 possumus) semina in prima creatione a DEo Optimo
 Maximo producta & in gremio terræ reposita esse,
 tandem naturæ, h. e. casui fortuito, id, quod soli DEo
 adscribendum est, adseratur. Quantum ad crassiorem
 generationis hujus æquivocæ speciem attinet, illa in-
 primis nobis plus justo arrogans atque periculosa vi-
 detur; quippe quæ regiam plane viam ad Atheismum
 re ipsa pandat, atque inter asyla pessimi hujus vitii
 si non primum, certe nec ultimum fibi vindicet lo-
 cum; huic etiam atheos adhærere scripta eorum lo-
 quuntur, in quibus, fudo clarius, non solum omnium
 animalium

animalium ortum, verum etiam fabricationem totius
 hujus universi casui fortuito adscribunt, & licet haud
 pauci inter socios turpissimæ hujus farraginis, æterni-
 tatem mundo adjudicent, seriemque rerum harum
 successivarum omni initio carere autumnent; quum
 tamen in successione hac continuanda etiam animalia
 contineantur, horum ortum generationi æquivocæ
 attribuant necessum est. Periculosisssimam itaque hanc
 esse quis est, qui non videat. Sed hoc non ita acci-
 piendum volumus, quasi nos eo procederemus au-
 daciæ, ut omnibus, qui hunc generandi modum de-
 fenderunt, aut adhuc defendunt, virulentissimam A-
 theismi labem adfigere vellemus. Absit hoc a nobis
 longissime: interim tamen non esse negandum existi-
 maverimus, eos, qui, præjudiciis suis decepti, ad er-
 rorem hunc fovendum defendendumque sese contu-
 lerunt, indirecte in DEum esse injuriosos. Et quum,
 quemadmodum jam audivimus, athei ad hoc mon-
 strum, ceu in asylum, configuant, quando existentiam
 DEi in ortu animalium quærimus, ante omnia, &
 prius quam ad reliqua evolvenda nosmet accinga-
 mus, ut spectrum hoc Atheisticum præceps de thro-
 no deturbemus suo, proposito nostro convenit.
 Hoc dupli ratione facere admittamus, h. e. per de-
 monstrationem tam ex priori quam ex posteriori.
 Demonstrationem ex posteriori, ob temporis angusti-
 am, parti posteriori concinnandam reservare cogimur,
 hac vice tantum pro modulo virium perlustrabimus;
 quantum roboris thesi nostræ præsenti ex demon-
 stratione ex priori accedat. Quod ut melius ex
 sententia

sententia succedat, paucis structuram corporum delineabimus animalium, animamque illis adscribendam adstruemus. Nam ex duobus hisce principiis, tanta deduci possunt argumenta, ut nodum in scirpo quærere videatur, qui veritatem theseos in dubium trahere admittitur.

§. IV.

IT in toto, eodemque vastissimo, hoc mundi systemate, inter corpora totalia tam quoad eorum situm motumque, quam quo ad alias eorum adfectiones, stupenda elucescit harmonia; ita & in partibus corporum animalium. Histrioniam certe Momi irrisionibus simillimam faciunt, qui in his ordinem sapientissimum & casum fortuitum ex toto eludentem non vident. Nam non solum in corpore humano, animaliumque, quæ perfectiora vocari siveverunt, verum etiam in eorum, quæ imperfectiorum absolvunt numerum, omnes partes ita collocatae adornatae sunt, ut quævis earum non possit non ad perfectionem totius corporis, mirum in modum, conferre. Quod Plinius quoque, quando fabricam corporum insectorum artificiosissimam & mechanico-harmoniam consideraverat, agnovit, dicens: *In magnis corporibus facilior officina sequaci materia fuit; in insectis vero tam parvis, atque tam nullis, quæ ratio, quanta vis, quam inextricabilis perfectio, cum rerum natura nunquam magis, quam in minimis tota fuit.* Et Krüger in Natur lehre Tom. I. §. 5. perlustrans

microscopio vermiculum casei dicit: Sie haben
 nicht nur Augen / Mund und Füße; sondern es sind
 auch ihre Leiber durchsichtig / und mit langen haaren
 wie stachelen versehen. So wer die Künstliche Struc-
 tur dieser Thiergen etwas genauer betrachtet / der
 wird daraus abnehmen können / es wendet die Na-
 tur nicht geringern fleiß auf ihre kleinsten Werke/
 als sie bey den größten anzubringen gewohnt ist. Fue-
 runt jam in mundo tot mechanici sagacissimi, qui
 varias mirificæ artis machinas elaboraverunt, sed
 nondim nullus eorum fuit, qui structuram corporis
 animalis exacte rimari, nedum machinam quandam
 tantæ perfectionis conficerere potuerat. Fertur qui-
 dem Theophrastum & Hannemannum fuisse, qui
 artem embryonem conficiendi sibi arrogare non eru-
 buerant. Sapientia, cui sustinendæ ne Atlantici qui-
 dem humeri, nedum horum neurospastum, pares
 sunt. Verba quidem magna, modo eventu ditata
 essent; Sed, ne ad admirationem simplicium aucu-
 pandam vesana ambitione prolata sint, vereor. Cor-
 pora insectorum sunt ut fere infinitis ita & artificio-
 fissimis canalibus meatibusque, quibus sanguis, vel
 succus sanguinis vices præstans, per totum corpus,
 motu sapientissimo circumfertur, confecta. Si ex.
 g. oculos nostros convertamus ad muscas, depre-
 hendemus omnes partes in his adeo concinne esse
 factas atque proportionatas quoad ipsam corporis
 fabricam, ut omnes sani hic mechanismum non me-
 diocris sed incomparabilis plane, immo incompre-
 hensibilis artis videant; pedes harum ornati sunt un-
 cinulis

cinulis artificiosissimis, quos dexterrime in poris vi-
 trorum aliorumque corporum solidorum defigunt,
 ita ut iisdem, quantumvis perpendiculariter colloca-
 tis, sine metu atque periculo lapsus, inambulare que-
 ant; alæ earum sunt ad corpus ex uno in alterum
 locum transportandum adcommodatissime atque ita
 quoad pondus ipsius corporis collocatae, nec non
 quoad ipsam alarum proportionem exactissimam ita
 dispositæ, ut, quasi centro gravitatis corporis adfi-
 xæ, omnibus partibus in volatu accuratissimum ad-
 ferant æquilibrium; quod plus satis exinde patet,
 quod, parte quadam alterius alæ abscissa, volatus si non
 impossibilis certe difficilis fiat. Textura alarum est ad-
 eo mirifica, ut oculis miserrime lippiant, qui in eadem,
 ut in reliquis, digitum Artificis, sapientissimi non mi-
 nus, quam omnipotentis, non vident delineatum. Ocu-
 li horum animalculorum sunt artificium plane stupe-
 dum; quippe quos manus creatrix peritissima non
 solum visu exornavit sufficientissimo, verum etiam,
 quasi cratibus humanam sagacitatem longe eminen-
 tibus, ne quibusvis periculis sint expositi, solertissime
 eosdem munivit. **Hornet** (cornea) i flugors/ ge-
 tingars ic. **Hgon**/ är så noga/ igenom microscopier
 betrachtadt/ at hvar och en wet/ at det är et gan-
 ska konstigt stycke/ och gjordt såsom et gallerwårck ic.
 Dixit ingeniosissimus ille naturæ scrutator Derhamus
 i sin **Naturl. Theol.** lib. 8. c. 3. Animadvertisimus
 denique, ut sexcenta alia sicco transeamus pede,
 muscas esse præditas aculeo quodam elegantissimo,
 quo cutem corporis humani aliorumque animalium,

mira cum alacritate, perforare sanguinemque hirtum
 dum instar exlugere possunt. Quod de muscis heic
 levissime perstrinximus, tantum abest, ut ad structu-
 ram corporis notissimi hujus insectorum generis ma-
 xime harmonicam delineandam sufficiat, ut potius ni-
 hil, quam aliquid de corpore adeo harmonico dictum
 esse re vera arbitremur. Den som är något wahn
 wid/ at gjöra observationer med Microscopier wet
 wäl/ at de stjöna färgorna på Maal och Sommar-
 foglar härröra af deras små matta sfädrar/ som i
 ganska stjön ordning/ accurat och noga satte åro.
 scripsit Verhamus lib. cit. c. 4. Num hæc ex offi-
 cina easus, quem Athei ceu oraculum adorant, exie-
 ruat? O mi sycophanta, oscitans hallucinaris. Non-
 ne vides, hæc tantæ esse sævitiae, ut officinam tuam
 funditus diruant & ipsum opificem ex toto rerum
 theatro ad Garamanthas relagent? Possent hic mul-
 ta proferri de fabrica oculorum, aurium aliorumque
 organorum sensoriorum, de venis, arteriis, musculis
 &c. quæ omnia, maxima, minima, in corporibus
 animalium, nunquam satis admirandum absolvunt
 mechanismum; sed sufficiente allata præsenti institu-
 to, præsertim quum omnes, nisi luce meridiana cæ-
 centre voluerint, in his omnibus ejusmodi perspi-
 ciant artificium, quod omnem mentis mortalitati ob-
 noxiæ aciem in totum hebescere facit. Agnovit hoc
 quoque Cicero, qui lib. de nat. Deor. cap. 57. hoc
 modo scribit. *Quis opifex præter naturam, qua ni-*
hil potest esse callidius, tantam solertiam persequari po-
tnisset in sensibus? quæ primum oculos membranis te-
 nuissimis

21
mūssimis vestivit & sepiit ; quas primum pellucidas fecit ut per eas cerni posset ; firmas autem ut continerentur. Infinita est animalium varietas , sed omnium corpora ita sunt elaborata, ut non solum ad vitam sustentandam defendendamque sint adcommodatissima , verum etiam ad finem , quem Creator sapientissimus ipsis præfixum voluit , optima ; & quod in una parte deficere videtur , altera abundantissime suppleat . Et insuper in omnibus speciebus convenientia individuorum quædam essentialis eademque perfecta , adeo , ut una species in alteram non facile degeneret ; quod qua ratione , casu atheorum rerum curam gerente , fieri posset , nunquam percipere valeo.

§. V.

Sed quamvis structura corporum animalium sit artificiosissima , omnes tamen animalium actiones per solum mechanismum corporis explicari non posse , quivis , penitiori scrutinii trutina indolem rei indagans , facile deprehendit . Injuriosi itaque illi sunt quam maxime in animalia , qui ea pro meritis machinis habent , nec minus hos errare existimaverimus , quam qui in alterum excurrunt extrellum & sine discrimine atque ulla limitatione omnibus animalibus animam competere rationalem arbitrantur ; sed si quid discriminis in hisce nobis obveniret , hoc non ex essentia atque natura animæ , sed ex majori vel minori cerebro ac ejus dispositione derivandum

esse opinantur. Conf. Wallerii Psycol. Rat. §. 267.
 &c. Nos ne charybdin evitantes incidamus in scyl-
 lam, medium ceu turissimam incedendam eligimus
 viam, ita ut bruta animantia non pro meritis machi-
 nis habeamus, nec animam rationalem ulli alii, quam
 soli homini adsignandam contendimus. Homini ani-
 mam eandemque intellectu atque voluntate prædi-
 tam competere, nullus alias, quam Davus Atheisti-
 cus inficiatur; quod vero bruta animantia attinet,
 corpora eorum, & que ac hominis, esse organica,
 vel atheistus quoque, nisi stultissimo ausu experientiae
 repugnaverit clarissimæ, confiteri cogitur; Utrum
 autem omnia bruta quinque gaudeant sensibus, no-
 strum non est inquirere, sufficit nos scire, naturam
 nihil frustra fecisse, sed in omnibus suis actionibus
 certum, eundemque sapientissimum, intendisse finem.
 Hinc quis est, qui non videat, organa sensoria non
 esse frustanea, sed eum in finem brutis animalibus
 concessa, ut rem unam ab altera & a se discernere
 valeant. Thesin hanc etiam experientia, ubique ter-
 rarum obvia, firmissimo stare taliо confirmat, adeo,
 ut nemo alias eandem in dubium trahere queat,
 quam qui in miserrima atque ab omni animalium
 consortio separata solitudine per omnem vixit vitam.
 Præterea quando animum ad actiones brutorum ani-
 mantium advertimus, deprehendimus multas earun-
 dem esse ejus indolis, ut sine imaginatione & me-
 moria sensationum fieri nequeant. Conf. Psycol. cit.
 §. 27. & 272. nec non Histor. animal. Ubi plurima
 ejusmodi occurruunt exempla, quæ ad rem allatam
 stabilien-

stabiiliendam faciunt. Ex allatis iam elucescere putaverimus in brutis animantibus debere existere aliquid, quod in se functionum, quas ipsis competere adstruximus, vitalium rationem continet sufficientem; sed ratio hæc non in mechanismo, aut compositione & motu partium corporis animalis consistere nequit. Nam si hoc esset verum, ens compositum posset se distingvere ab aliis quibuscumque rebus, quod fieri deberet aut per motum totius, aut partium; aut per motum totius & partium simul; quæ omnia sunt absurdia. Vid. Psycolo cit. §. 25. Si, inquit idem Auctor Celeberrimus libri cit. §. 286. Subiectum illud distingvens constaret partibus B, C, D, in B esset idea & F, in C idea & G, in D idea & H, quomodo, quæso, concipias partem B distingvere à ideam F ab idea G, quam non habet, præsertim, quum sine dubio, quivis intelligat, nullam idearum institui posse distinctionem, nisi facta qualicunque comparatione, quæ idearum comparandarum requirit in uno subiecto existentiam. Nequit itaque subiectum illud, quo animalia se dignoscunt ab aliis rebus, esse partibus constans, seu corpus, quantumvis maxime mechanismum, sed simplex & ab omni substantia corporea diversum. Hoc etiam facultas imaginandi & memoria satis superque evincunt. Nam ut totum corpus animale, ita & cerebrum, procul dubio, obnoxium est continuæ mutationi, quæ consistit in successione particularum novarum, quæ pereuntium vel potius evolantium vices supplent, quemadmodum Sanctoriana docent experimenta. Vid. Psycol.

Rat.

Rati. cit. §. 24. Sed qua ratione particulae transpi-
 rantibus succedentes illas ideas, quae sine dubio una
 cum partibus evolantibus evanescerunt, reproducere,
 & ideas praesentes cum illis, quae ante aliquot annos
 jam adfuerunt, comparare valeant, nondum perspi-
 cimus; praterquam quod idea praesens diversa ab
 idea antea cerebro impressa non possit non diver-
 sum excitare motum in eodem cerebri loco, quo
 idea antea excitata potius destruitur quam repro-
 ducitur; involvit enim manifestam contradic-
 tio-
 nem, eundem cerebri locum diversos simul vel uno
 eodemque temporis momento admittere motus. Vid.
 libr. cit. & §. cit. atque Part. Tert. Prænot. Theol.
 §. II. Porro: si ad memoriam nihil aliud require-
 retur, quam mechanismus cerebri, necessum foret,
 ut, accrescente idearum memoriae mandatarum co-
 pia, etiam cerebrum in mole sua augeretur; quia
 quævis idea excitata certum atque determinatum
 sibi exigeret locum, ubi eadem ceu in tabula maneret
 depicta. Vid. libr. cit. Simplicitatem entis hujus
 distingventis se ab aliis ostendunt etiam argumenta
 ex appetitu & aversatione sensitiva deducta; quia
 meras machinas nunquam sensu boni aut mali ad
 actiones quasdam suscipiendas vel fugiendas permo-
 veri posse vel mediocris evincit attentio. His, quan-
 tumvis paucissimis, justa scrutinii lance ponderatis,
 neminem fore putaverimus, qui existimet, nos plus
 justo brutis animantibus adjudicasse, quando animam
 illis competere adstruximus. Hinc quoque, quid de
 sententia Cartesii & eorum qui ipsius adhærent par-
 tibus,

tibus, judicandum sit patet. Ast licet bruta animan-
tia varias edant actiones, quas mero corporum me-
chanismo adscribere non possumus; nihil tamen
in iis penitior deprehendit perlustratio, quod ultra
rationis analogon adscenderet: caret enim ideis
distinctis & universalibus, nec unquam eum in sta-
tum perduci possunt, ut articulata voce sensationes
suas significare queant, quamvis haud raro evenerit,
ut quædam vocabula eloqui discent. Quod certis-
simum est testimonium, nobilissimas rationis divitias
ipsis non esse concessas, quemadmodum Celeb. noster
Wallerius hæc omnia, quæ nos hic brevissimis
attigimus, sufficientissimis demonstravit argumentis
in Psycologia sua Rat. parte 4:ta

His præmissis facilima nobis patet via ad nodum
nostrum, ex priori, solvendum, quem haud
patici pro Gordio habent, eamque ob rem ad instar
Alexandri Magni illum gladio discindendum putant,
sed nexibus resolutis, capita loramentorum in nodis
latentia haud difficile evolvuntur. Corpora enim
animalium esse machinas maxime harmonicas ex iis,
quæ in §. 4:ta attulimus, elucescit, quibus confi-
ciendis leges motus generales non sufficiunt. Nam
ad contexendam machinam adeo stupenda artis ne-
cessarium est, ut motus omnium, ex quibus corpus
animale est elaborandum, particularum, etiam mini-
marum, sit ex toto harmonicus, h. e. ut omnes hæ-
particulæ

particulæ per motum harmonicum ita dirigantur disponanturque, ut quasi unanimi consensu, omnes & singulæ ad eundem finem, qui est fabricatio corporis animalis, obtinendum sapientissimo concurrant ordine. Sapientissimus inquam, ad hoc requiritur ordo; nam nisi particulæ per motum hunc, cui Cartesius, una cum asteclis suis, conformatiōnem corporis animalculi adscribit, ad totius corporis fabricam exactissime accommodentur atque conformentur, adeo quidem, ut singulæ earum, certo ordine determinataque copia quasi exasciatæ, definitum eundemque adcommodatissimum suum occupent locum; nunquam certe adeo artificiosa atque mechanica exoriri potest structura. Hinc quis est, qui non intelligat, directionem motus hujus non posse esse unam eandemque; alia enim ratione, nisi nos omnia fallunt, componendæ sunt particulæ in oculis contexendis; alia in auribus fabricandis; alia denique in ceteris ad perfectam corporis structuram necessariis partibus conficiendis: alioquin nostro qualicunque iudicio causa eadem uno eodemque modo se viresque suas determinans, h. e. per unam eandemque actionem, diversissimos produceret effectus, idque ex una eademque materia; atques sic existeret realitas quædam in effectu, cuius ratio non daretur in ejus causa efficiente, quod est plane absurdum. Vid. System. Metaphys. Celeb. Wallerii §. 1292. & 1293. Et licet materia foret diversæ indolis, manet tamen thesis nostra inconcussa (quod scilicet directio motus hujus non possit esse una eademque). Nam hæ materiæ, quæ ponuntur

ponuntur esse diversæ naturæ, aut sunt a se invicem separatae, aut commixtae; in utroque tamen casu, ut reliqua taceamus, motus est dirigendus conformansdusque tam ad deferendam materiam ad locum debitum, quam ad determinandam ejusdem quantitatem, ne pars quædam plus justo accrescat, h. e. ne particulæ majori confluant copia; quam harmonica corporis in exactissima partium proportione conficiendi requirit fabrica. Hinc ut hæc omnia obtineantur, necessum est, ut motus hic, seu artifex peritis- simus, irregularitatē figurarum, quas particulæ ma- teriæ habent fere infinite varias, tollat & easdem ad mechanismum futurum constituendum aptet; quia alioquin irregulares particularum figuræ, tantum ab- est, ut harmonicum excitent conserventque motum, ut potius inimicis inter se decernant cornibus, &, motu suo tumultuario, particulas, adinstar pulveris, quem vehementia venti huc illucque jactat, a se invi- cem disspellant, adeo, ut ex illis nullum animale coa- lescere queat corpus. Unde non multum diximus, quando, in antecedentibus verbis, particulas has, qua- si exasciatas, ad fabricam hanc mechanico-harmoni- eam absolvendam ex ase concordare debere, conten- dimus. Sed qua ratione omnia hæc in motum Athei- sticum & Cartesianum quadrare queant, est, quod omnibus sanis dijudicandum relinquimus. Et quem- admodum structuram corporis animalis in singulis speciebus esse variam, sed juxta adcommodatissi- mam, omnibusque functionibus, quibus obeundis na- tura hanc illamve destinavit speciem, maxime ador-

natam in §. 4:ta jam observavimus; ita & necessarium est, ut motus in materia putrescente excitatus, in varierate hac conformanda sancteque conservanda, easdem sapientissimas, nullaque ratione violandas, h. e. confundendas constantissime observet regulas; quia his neglectis, non hanc aut illam fabricaret speciem, sed monstra, quæ in miseria sua citius, serius perirent, produceret, h. e. facillime eveniret, ut mures, ex. g. cornibus alces, pisces pedibus equorum, feles oculis muscarum, aut squammis, aut plumis loco pilorum, vel qua demumcunque possibili forma, ut misserrimi, ita hirsutissimi in theatrum proreperent actualium, monstrorumque augerent numerum. Ad hæc itaque incomoda evitanda requiritur, ut motus hic ita suas instituat actiones, ut omnes partes majores & minores, quæ pro totis haberi possunt, ad unum eundemque finem Architectonicum, h. e. totam corporis structuram absolvendam, exactissime conspirent. Hinc quot species, tot quoque ut sint regulæ in ipsis producendis observendæ speciales necessum est; quot partes hujus illiusve speciei integrantes, tot regulæ specialiores; quot denique partes partium integrantium, sunt autem fere infinitæ, tot quoque regulæ specialissimæ, quibus omnibus & singularis motus hic mechanicus, in corpore animali, sapientissime & solertissime uti, easdemque ad omnes castis applicare debet; quia, uti jam diximus, fabricatio totius requirit fabricam omnium & singularum partium quam maxime mechanico-harmonicam, h. e. debet supponi mechanismus & motus mechanico-harmonicus

cus partium etiam minutissimarum, priusquam possit
 obtineri mechanismus totius. Quibus præstandis nec
 Cartesius, nec Atheus, quantumvis in cerebello suo
 præ ceteris oculatissimi, nedum cæcus eorum motus,
 sunt pares. Quo demumcunque sana attentio se heic
 vertat, nunquam Atheis effugium seu viam elabendi
 patere videbit. Nam si motus Atheisticus considera-
 tur, ceu in se existens, est ille potius idea nihili,
 quam aliquid reale; motum enim concipere, ut ali-
 quid reale existens extra materiam, absolum est. Si
 vicissim consideratur hic in materia mota, debet hic,
 ceu cæcus, dirigi aut a causa sua prima, aut a mate-
 ria, in qua semel est excitatus: non ab illa, quippe
 quæ sit simplex & uniformis, efficacia scil. caloris,
 qui ipse est cæcus, ita ut motum pro lubitu deter-
 minare non valeat: sed nec ab hac, quippe quæ est
 rudis, & consequenter, ad hos præcise motus recipien-
 dos, non determinata. Debet itaque ratio determi-
 nandorum motuum horum & non aliorum quorum-
 cunque possibilium fundari in aliquo tertio, quod non
 potest esse cæcus Athorum casus; quippe qui, una
 cum patronis suis, est cæcus, i. e. nullus. Hinc ita-
 que relinquitur hocce tertium non aliud esse quam
 DEum; hic enim est summus Geometra, qui solus
 omnibus corporis animalis partibus exactissimam ad-
 serere valet proportionem; summus mechanicus stu-
 pendusque artifex, qui solus infinito suo intellectu o-
 mnes possibiles machinas exactissime harmonicas sibi
 vividissime distinctissimeque repræsentat, & omnes,
 quas sapientia ipsius, vere ineffabilis, producendas sibi

proponit, unico simplicissimoque voluntatis suæ omnipotentis actu, existentia induit. Hic, omnibus animalibus potentiam genus propagandi suum, concessit, non per motum Cartesianum, sed per semina; uti in parte altera videbimus. Hic noster Deus, ut sapientissimus, ita & sapientissimos in omnibus suis actionibus sibi præfixos habet fines, ad quos obtinendos mediis uti sufficientissimis pergit. Sed monstruosus atque juxta miserrimus mundus, cui regendo fortuitus atheorum casus est præfectus; quippe qui, æternis, cæcitatibus suæ compedibus implicatus, in fabricationibus suis conficiendis, facillime adeo vacillare potest, ut tantam insectorum monstruosissimorum consuat copiam, ut non solum amoenissimo huic rerum viridario, tyrannorum instar, speciem induant mœstissimam, verum etiam omnes exedant Atheos, qui tamen ipsum, cœu miraculum, colunt. O cæcitatem nunquam satis deplorandam, quæ adeo hallucinatur, ut stultissimum casum in solium eyehat Divinum, eique talia attribuat opera, quibus præstantis sola infinita Numinis sapientia par est.

§. VII.

QUOD ad alterum demonstrationis nostræ a priori attinet momentum, quod ex simplicitate animalium deducendum in præsenti nobis proposuimus, hoc certe non minoris esse valoris, quam quod, ex artificio corporum fabrica, in antecedente evolvimus paragraphe, ex dicendis patebit: quippe quod, si quid ja- liud,

liud, oppido thesin oppositam esse absurdissimam, e-
 vincat. Fuerunt haud pauci, tam antiquioribus quam
 recentioribus temporibus, qui igni & aquæ ortum o-
 mnium rerum adjudicabant; argumenta vero, quibus
 hanc suam thesin stabilitum eunt, propria elanguescunt
 hebitudine, immo penitus obtunduntur; quia nemini-
 nem, qui vel tantillum ignis æque ac aquæ pensita-
 verit proprietates, non potest fugere, cum illum, tum
 hanc esse corpus. Quando itaque ignis & aqua, ceu
 corpora, agunt, debet hoc fieri per motum, hic vero
 in se est cæcus, nec unquam se in rebus conficiendis
 ad directionem quamcunque necessariam determinare
 valet. Vid. §. antec. Sed si jam ponamus ignem &
 aquam, ceu caussas efficientes, per putrefactionem
 posse producere animas, quas simplices esse in §. 5:ta
 demonstravimus; debent hæ caussæ esse, aut univocæ,
 aut æquivocæ. Illæ effectum producunt ejusdem es-
 sentiæ, Vid. Syst. Met. Waller. §. 1314. Hinc itaque, si
 statuatur ignem aut aquam, ex essentia sua, fabricare
 animas, cuiusdemumcunque generis, sive humanas, sive
 brutorum animantium, perinde fuerit in præsenti, hæ,
 ceu entia simplicia, forent simul entia materialia seu
 composita; quod directe in principium contradictionis
 impingit; quia hac in re valet canon: qualis caussa talis
 effectus. Conf. libr. cit. §. 1315. Illis, qui essen-
 tiam animæ esse igneam credunt, hæc fententia facile
 arridere potest; sed quanti eadem est valoris, ex iis, quæ
 in §. 5:ta adstruximus, evidenter patet. Nam licet ignis
 sit tantæ subtilitatis, ut eidem rimandæ definiendæque
 mortales vix sufficient vires; est tamen corpus, & con-
 sequenter

sequenter ens compositum, quod constat ex partibus,
 quæ animæ, cœu enti simplici, competere nequeunt.
 Hinc, quod Celeberrimus noster Wallerius Syst. Met.
 §. 1016. demonstravit, entia scil. simplicia ex compositis
 oriri non posse, heic eriam locum habere debet.
 Causa vicissim æquivoca conficit seu producit esse-
 ctum, ab essentia sua diversum, aut ex materia præ-
 xistente, aut ex nihilo privativo. Si jam ponatur i-
 gnem & aquam esse animorum causas efficientes æ-
 quivas, non potest harum productio fieri ex mate-
 ria præexistente; quia hoc modo, cœu plane absurdum,
 proscriptissimus: sed neque ex nihilo privativo, (qua-
 nos nihil aliud intelligimus, quam quod Theologi
 nostri per nihilum pure negativum indigitant,). Nam
 ignis & aqua, ut in reliquis, ita in putrefactione, o-
 mnes suas actiones per motum absolvunt; motus ve-
 ro supponit aliquid existens, in quo vires suas exer-
 cere, h. e. mutationem quandam producere potest,
 quod e diametro repugnat hypothesi. Hoc enim me-
 nulla concipere posse ratione, quantumcumque inge-
 nio enitar, ingenio profiteor, quomodo id possit fie-
 ri, ut motus hic in meram possibilitatem agere, h. e.
 actualitate eandem indire valeat; & quidem tanto
 absurdius hoc mihi provenit, quanto certius est, in
 casu præsenti effectum fore multo nobiliorem sua
 causa, i. e. in ipsis animabus esse ejusmodi perfe-
 ctiones seu realites, quæ in igne & aqua, quæ per
 putrefactionem has creare supponuntur, non depre-
 henduntur: quod perinde foret, ac si quis conten-
 deret se existere sine ratione sufficiente. Motus hic,
quemad

quemadmodum jam s^epe audivimus, & ipsi quoque
 athei concedunt, saltim debent, est cæcus, qui fini-
 stram a dextra discernere nequit, h. e. qui omni a-
 ctionum suarum destituitur cognitione. Quid itaque
 potest absurdius esse, quam velle adstruere hunc en-
 tia, quæ se ab aliis distingvunt atque sensu boni ma-
 lique adficiuntur, producere valere. Hæc, quan-
 tumvis paucissima, quæ jam, ad ostendendam absur-
 ditatem generationis æquivocæ ex priori, festinante
 protulimus calamo, quibus etiam experientiam,
 seu demonstrationem a posteriori, svavissime ex-
 ætissimeque erectum premere pollicem, in parte po-
 steriori videbimus, ejus quoque esse indolis existi-
 maverimus, ut ex iis facillime pateat, quanti nugæ Chy-
 micorum, qui, per actionem & reactionem falium a-
 ctivorum & passivorum, possibilitatem generationis
 æquivocæ demonstrare adgressi sunt, æstimandæ sint.
 Nam, præterquam quod salia hæc, quæ hic in se
 invicim agere ponuntur, destituantur potentia mo-
 tum suum determinandi ad conficiendas has illasve
 partes, corporis animalis structuræ constituendæ ne-
 cessarias, quæ singulæ diversam requirunt fabricatio-
 nem, una, eademque motu directione non peragen-
 dam, ut in §. 6: *ta* evictum ivimus; omnes etiam
 illæ absurditates, quas in hac §. modo profligavimus,
 recurrerent, quemadmodum vel levissima quo-
 que demonstrat attentio, adeo, ut his refutandis fa-
 cile supercedere possimus. Quis itaque, o DEUS in-
 finite! unquam posset sibi persuadere, tantam esse mor-
 talium stupiditatem atque impudentiam, ut, adfectata

vesania, sanctissimam Tuam existentiam oppugnare non vereantur, nisi tristissima experientia hoc nos condoceret. O optime D^Eus, discutias tenebras nostras, atque infundas in corda nostra, quæ, sine Te, sterilitate sua penitus marcescunt, amorem Tui intensissimum! Tibi Soli & Unico, Maximo, Optimo, utpote Creatori Conservatorique Sapientissimo, sit laus & Gloria nunquam terminanda, hæc enim ultimus omnium rerum est

FINIS.

